

BOSNA I HERCEGOVINA
Agencija za razvoj visokog
obrazovanja i osiguranje
kvaliteta/kvalitete
Banja Luka



БОСНА И ХЕРЦЕГОВИНА
Агенција за развој високог
образовања и обезбјеђивање
квалитета
Бања Лука

Agency for Development of Higher Education and Quality Assurance

**Saopštenje sa 28. sjednice Upravnog odbora Agencije za razvoj visokog
obrazovanja i osiguranje kvaliteta**

održane 15. 09. 2014. i 10.11. 2014. godine u Banjaluci

Prvi dio 28. sjednice Upravnog odbora Agencije održan je 15.09.2014. godine, a nastavak sjednice 10.11.2014.godine.

Upravni odbor Agencije za razvoj visokog obrazovanja i osiguranje kvaliteta uputio je apel visokoškolskim ustanovama koje nisu u postupku akreditacije, da to urade što prije i ubrzaju aktivnosti na pripremi za akreditaciju. Ovo je jedan od zaključaka sa prvog dijela 28. sjednice Upravnog odbora.

Članovi Upravnog odbora razmatrali su i informaciju o donošenju novih ESG standarda i aplikaciji za punopravno članstvo u ENQA-i. Kako se usvajanje revidiranih ESG standarda očekuje u maju 2015. godine na Konferenciji ministara obrazovanja zemalja Bolonjskog procesa u Jerevanu u Jermeniji, moguće su i odgovarajuće izmjene bh kriterija i procedura za akreditaciju, a time i u izradi samoevaluacionih izvještaja ustanova.

Upravni odbor Agencije naložio je i formiranje radne grupe sa zadatkom da identifikuje probleme u akreditacionim procedurama nadležnih obrazovnih organa, a sve u cilju otklanjanja eventualnih nejasnoća i unapređenja ovih postupaka.

U nastavku sjednice održane 10.11.2014.godine u Banjaluci Upravni odbor Agencije, između ostalog, je razmatrao Izvještaj o finansijskoj reviziji Agencije za 2013 godinu i uputio pohvale Agenciji na odličnom revizorskom izvještaju.

Upravni odbor pokrenuo je proceduru i zadužio Agenciju da obavijesti Parlamentarnu skupštinu Bosne i Hercegovine o isteku mandata i zatraži provođenje procedure za izbor i imenovanje tri člana UO kojima ističe mandat u februaru 2015.godine.

Na kraju 28.sjednice Upravnog odbora, a u skladu sa Poslovníkom o radu, izvršena je redovna rotacija u predsjedavanju UO na period od godinu dana. Mjesto predsjednika Upravnog odbora preuzela je prof. dr Aida Abadžić Hodžić, a potpredsjednici su prof. dr Stevan Trbojević i prof. dr Ivo Rozić.